

Vuntoya wida koe Europa

Alub-decemoya tanda ke izva tid wali breizaf tawadayik is mujik widik ke rossiaf rijust. Bat tir nuyk mali tena ke Mialukugal. Ban bak 1850 zavzar levitirik peyan gan jiomaki is dile gokobas remi tev-sanoy bartiv fuxe viel bak idulugal. Lerdoy rossiiik fuxe sana tid levgan widik ise va dataf taway ke oluikeem ika malgesturama midud.

Tawayap koe Preussa is Ostera voxis mediterraneafo coyunta dum Espana is Italia dere tid. Voxen tunuyayan tawadayik wan tid levitiraf gu boza. Koe lenttaltefa Europa, aneyatason va kobara ko widava, jontik tawadayik va wida al jovled. Ant tanoy englik fuxe tola, toloy germanik fuxe bara, baroy francik fuxe balema moe taway al zavzagid. Lotan tid pilkotamik ise va rotisa kotcoba wan midud voxo va axaf warolaks malseotad kiren erba ta lustera va kosudexa ik zarzaf foalk zo gracir.

Aelalolama dun pitcar numen va « atoeem ko tanoya kita me plekud ». Ison tode zaipa dikote tid, pune werne blir !! Goxe werna bak 1847 uduton zo gracir. Akoler nume metcon zaxar ! Celemoy eireik aelakled. Kore moraf tawadayik gan sid ok lidawicka loleon zo impavantad, pune dun tid wawaf : koe Breiza dum Preussa, va intockem tiskid oke dace lebanugon lanid. Tel rotestus va ciastoa ba taneaviel is roloplekus va umta gu rostela ke safta leote tid. Gubefe ruedeck tid mazdafce rostelaabre is dem dibuk kum ebeltafa ok lukoptafa regelta.


Bexe walpomara koe tawadayafa anameda krunler : tawadayik ta digira va milkava va sint kataned. Va aelesaf gertik taves pu rumeikeem gu ziilks sinkad. Fentugalon aname flotafa keldega belcon ayated lize savsik va geja ke jotugal divrozad. Dace koe Rossia, yasa koe idul ke intabendingap iste renga va int saipon katrasir.



Bata yikya irubasa koe wida poke Napoli koe Italia va sanegaf sutesik dodor. Inye va tva ke aguntanikiq beilir aze va dulzeks fu sutelar. Arbe bema, jontik italiik me grubeled.



Koe breizaf vesk, blira gitr sutafa : sinka tir kum ebeltaf beg bumeyen koe kwafe cade, is umtakirafe abra. Ulida tir valdaja. Tawadayik va intockem tiskir. Bonoleem koe dofa bonta senyer. Toloy rumeik fuxe sana abdi tolda mialukon mulufled.



Bati zlasiki yoltkirafi gu « Brabant » dum kulafa dentafa azeka ke Belga, tir dem toloy ludzesiki isu loyta novesa va tantomon suxara va toloya bourga. Toloyi gimasaki va tawa vakrilon kaballed.

Moe ficusem, bat namulofsusik ke Landes gola vamoer milkava batkane tigr nume va ina rotanamsisuker. Bato vaykazo banugale wan tir aalisakate divatcepe. Palitgaxo koe labaxo arti sanda fu kotaplekar.

Rossiaf tawadayik wan tid yegan levitirik. Zanisik ke jiomak ba beta derka gillebed. Mujik widik krulas va yega, va ustagakera eked, kalvinton gan yasa is widikeem.

